

竹林八圩志卷十一

祝廷錫纂

詩徵外編

李日華

甲寅三月過高如晦南園

曲流初洗盞深柳又停舸各有招携具何妨共嘯歌蘭亭
羣從在輞水勝遊過月為今宵好花仍此地多古圖開雪
繭新築敞烟蘿未盡盤桓意重來踏逕莎

盛遠

過沈彥馨兄弟東陽書屋

琴薦書牀絕點塵苦吟聲裏瘦腰身梅花一樹窗前發清

竹林八圩志

卷十一 詩徵外編

似東陽姓沈人

金堡

次韻携李高厲公虞部哀死節同年詩

厲公抗節從容而志切忠憤於死事二十八人作
詩哀之以鐵崖自處為恨予謂人非一死生國非
一興廢仰無愧俯無怍諸公可以見先帝厲公可
以見諸公足矣時位不同落花流水此復何有因
次其韻意在厲公譬之新息不入雲台二十八將
中然不出二十八將外也

義在立今古心存超死生白頭無自辱青史不求榮血裏
神鰲足風吹山鳥更何嘗異興廢濟濟見周楨

追次携李譚埽庵韻贈高念祖

刹海何如願海深淵源更向一家尋大莊嚴劫曾同調小
白華山復罄心手眼不甘虛六度兒孫何足繼雙林莫將
記蒞規三世燈影香光貫古今念祖昆玉助建東塔大
悲閣為祖父莊嚴報地

陳維崧

送高念祖還嘉禾二首

經時伏枕入秋慵信到翻教惜別重兩載羈愁牽薊北一
帆歸興杳吳淞傳家事業青箱貴愛日庭闈綠酒濃西水
驛邊昏似夢自憐何日始君從

携李先生萬態刪只餘鄴架尚相關西鄰小別書同去南
浦微波客早還喜劇隔牆過濁酒狂來進艇玩晴山極知

竹林八圩志

卷十一 詩徵外編

二

倦圃秋燈下疾讀頻鈔又不閒

秋岳先生贈念祖詩有云
貧許壁魚依老髻怨深狂

馬入通都且云念祖在
家時頻借書資我也

朱彝尊

青縣同高大

佑紀 雨泊

黃河秋潦急羣盜正紛紛去遠驚秋半愁多語夜分空城
寒更雨哀角斷還聞正值南飛雁嗷嗷度海雲

分水廟酬高大

佑紀

落月西風動戍樓津亭官柳繫輕舟行人莫唱思歸調汶
水南來已北流

送高

佑紀 之安邑和魏坤韻

驪駒九日郭門催問子西征幾月來最好河東苦桑落懷

人一倍引深杯

送高佑紀之江寧二首

塵衫破帽獨支筇
重向金陵寄客蹤
試上風香層閣望
至今猶剩幾株松

青衿文字國門編
暇話姚翁結客年
翁字非若快意黃金
隨手盡秦淮一道擁燈船

孫一騶

重過高工部廡公西園

十畝閒園舊板橋
道南重過暗魂消
秋花黃蝶猶成隊
曉露紅蘭惜易凋
事去英雄時坎軻
年來車馬巷蕭條
靈均一去何由返
空對江潭賦大招

竹林八圩志

卷十一 詩徵外編

三

馬惟翰

清藹閣

携李城東清藹閣
古槐兩樹壓空庭
為詩萬一尋高叟
日薄簾虛眼暫青

吳文溥

口號贈沈紀鴻

破除萬事惟有酒
不可一日無此君
便擬提壺造竹所
飽看活翠到斜曛

金文垂

研香齋壁間石刻

太息入塵埃
敢云事丹鉛
主人不我棄
謂沈齋竟作師友延

於我屋渠渠燕居之西偏研香葛翁筆葛懷古先生題額此間足
盤旋得地頗寬厥花木清且研于花木下滿壁掃苔錢
壁間何所有石勒竟連篇佛象森羅列山水共澄鮮古氣
猶磅礴一室皆雲烟老眼昏不辨摩挲溯古先竹岑好古
士腹笥本便便詢以壁間石叙述如流泉謂有前明時周
君曰梅顛結廬在白苕彷彿林逋仙書法仿禊帖圖畫續
輞川妙手精椀瓠硬筆自雕鏤老彭善述古彭輅沖溪癡
李挾真詮李日華癡居士有跋往來稱莫逆契合在性天梅顛既羽
化梅墟變桑田萬事東流水誰能弗棄捐曾祖端木公升
壇禮佛虔竹岑曾祖端木公結壇駕湖南園蕪穢裏朱茂暲別業亂石縱橫
填購諸灌園叟不惜資財蠲一朝收拾盡移來已百年嵌

竹林八圩志

卷十一 詩餘外編

四

壁期永固添刻詩句聯端木公於康熙五十年立石刻詩五首風霜閱歷久
陳蹟尚依然頓使疑團釋往事君能宣兼示長歌句歷歷
書雲箋我歲聿云暮欣逢大因緣居今為稽古好合多纏
綿會看拓工至真珠出九淵

張廷濟

沈向齋進士東洲釣叟遺像

今東洲里古東周至元志履仁鄉勝地遞產賢達倚高太
常後人代出向齋沈先生殊尤八歲讀易論乾坤真識早
契喜與讐譬如名駒骨權奇不待齒長顯驊騮南宮第五
魁蕊榜江西冀非賢諸侯東陽氏志夷庚愛宰上高時刻
稱沈公嶺盜弭法無庸僕區頭銜特荷主恩賜講學生徒來數

州灤源書院山左最白鶴白雪羣英收問答著卷十有二
古訓紬繹如絲抽鵲華山頭芙蓉秀蓮子湖邊楊柳秋歲
庚戌年五十四華髮滿鏡欲白頭回首東洲釣游地安得
歸去竿絲投圖成不曾著一字鄉心萬縷隨波浮歸來客
杭復客閩羣公幣聘爭挽留比主鴛水將赴講痰疾陡作
難遽瘳依竹草堂成高卧有穀貽孫聊優悠誰知孫枝忽
摧折老泪點滴愁更愁己未九秋廿六日文筆遽付天上
修等身書在身何在東洲清波空如油先生令子吾姊夫
經史金石頗研搜遺書編纂成部帙如歆繼向固繼彪賤
子托契廿載餘忘形忘機盟鷺鷗記過從聽先生訓一一
聞之心煩憂講舍相比來往熟壬臬携硯安八詠樓癸辨

竹林八圩志

卷十一 詩後外編

五

析禮制振墜義以經解經沈可鉤謂文如山須凹凸奇峰
變化幻十洲於戲君子老思死則教教令人思思無休先
生少長老有業曲臺舊惜能揣侔況我親串親聞誨匪徒
仕學歎兩優空鉤意釣神宛在展對不禁雙泪流瓣香藝
更寒泉薦先生之靈其來游

唐蕉庵帆影樓圖

一路帆如織詩題滿畫樓風雲生紙墨圖畫即滄州抵作
江湖夢真為文字遊干戈今已靖多恐話從頭去年四月
潰兵四逸新
坊亦被掠擾

沈半桐先生可均嘉興增廣生住竹林里博極羣書
通梵唄之學詩古文沈著雄毅藏秘冊小集八厨

漢唐碑拓數百通精心考核工八分書著唐隸辨
五卷乾隆辛丑余年十四赴童子試先生過廬齋
見余時文面八分書試式二字遂導余過陸蔚蒼
家買乙瑛韓勅兩拓本壬子至嘉慶丙辰館於其
妹婿王澹庵肄雅樓課孤甥福基福田讀余昕夕
過從得聞講解是春先生病癱卒年六十二

漢法兼唐法精心寫八分佛言僧肇論鬼唱鮑家墳著夜
案街肆貽名拓書樓領舊聞竹林真學究何處拾遺文
先
有竹林村
學究印

沈向齋先生半桐居士之同母弟也名可培乾隆辛
卯舉於鄉壬辰成進士第五名官江西上高順天

竹林八圩志

卷十一 詩餘外編

寶坻安肅知縣歷長樂源雲門鴛湖書院乾隆丁
巳生嘉慶己未卒年六十三隸法純宗漢魏畫學
近迫宋元子銘彝余姊之夫也廩貢生候選訓導
把鈞東洲先生有東洲先生有雲歸無處尋一宮成吏隱萬卷自
書淫曲水經庵地壬子設講愷太平庵過從密邇清風款竹
林癸丑餘留依誰知畫者意一一喻文心丁巳九秋先生
下筆須有
凹凸之勢

沈兄秋巒半桐居士之子也名錫慶字咸中詩文妍
麗真隸書俱工整尤工篆刻乾隆辛丑韓城王文
端公科試嘉興賞其真書置第一補上舍生員既
貢成均歷遊幕府與余訂交垂二十年

生花君有筆兩地幾過從進續驚湖水吹簫驚嶺峰高文
終隱豹餘事賸雕龍題宇今猶在憑誰說聽松秋巒客金

山寺李少温聽松
篆字題記見贈

沈太親翁蒙泉先生此頓當在乾隆四十二年戊戌

丁父憂時館於嘉興橋坊里沈根玉家玉山草堂
時作時四十三歲猶未號向齋也根玉名品連號
秋塘乾隆戊申舉人與余為道義至契自辛亥至
己巳余過郡輒主其家今不勝山陽之感矣吾里
王天自八弟為先生女弟之季子寶愛舅氏遺墨
持此索詩得二絕句

玉山草堂吾舊遊藕花溪畔慣停舟尊前風義燈前淚腸

竹林八圩志

卷十一 詩餘外編

七

斷東陽廿四秋

循吏經師老此生瓣香今喜有何甥風蘭雨竹兼霜菊一
例銀鈎共阿兄天自之兄心耕藏先生所畫
梅蘭竹菊長卷已雙句刻石

陳遇春

次竹岑見贈元韻

松臺之山浙之東蒼嶺萬仞開芙蓉我登烟雨樓頭望地
濶天長無一峰當湖之水有九派滌洄百屈盤心胸烟消
日出波光折涵羅萬象難為容凡物皆可以意喻魚兔所
得筌蹠通眼前一過便陳跡百年人囚日月籠先生枕書
竹林里杜門不出誰追從理窟譚柄不自發無有好事撞
洪鍾自言心中無別樂麥田犁罷青濛濛案頭課子書萬

卷夜來吐壁燈光紅蕭散自得了無累俯仰斗室天地空
立脚肯為流俗轉熱惱何來一甌空圭璋立身世少匹平
地仰之如華嵩韓蔡隸蹟妙當世落紙雲烟興不窮詩才
豈比郊島輩下筆有似王無功我身差似鸚鵡鳥不能高
飛逐走蓬文章老眼未嘗遇一鏡何用磨蒼穹又無千橘
子孫計五湖徒想陶朱公從頭自寫乏巨筆吐詞焉能如
長虹吾鄉大若老仙容大若若朱瑞子
修煉飛昇處有壽千歲面方腫
我生未識頗嚮往凡心俗慮從芟蕪而今兩人頭半白不
彫俱是寒巖松別去相思一千里隨從安得諧雲龍東來
問訊幸不歇賦詩常願乘長風

朱邦經

竹林八圩志

卷十一 詩徵外編

八

穀雨後二日奉懷竹岑二兄即用前年上巳後三日

依竹堂牡丹盛開見懷韻

離索空搔首相思穀雨餘羈人歸未得病體近何如勿藥
定強飯開顏展寄書何當花下醉漑釜為烹魚

施嵩

為沈竹岑廣文繪孟廬圖

蒼松多悲風蔓草歛寒色春暉豈不戀白日忽西匿結廬
傍馬鬣宛在親之側啼鳥感宗凜鳴鹿助伍藁高堂終百
年子心無窮極我亦營丙舍精靈莫我即為繪孟廬圖哀
哀泪沾臆

王鈞

題沈竹岑孟莊廬墓

悲吟一卷寫悽酸
午夜披時掣淚看
如慕如疑關至性
可歌可泣動旁觀
病餘畚鍤躬尤瘁
事極辛勤力欲殫
此日松楸如許大
青山無恙夢魂安

徐大柘

同張古春至竹林里訪沈竹岑丈

問訊竹林里
邀朋為放船
小橋沽酒店
細雨釀花天
煮茗香迎客
談詩句欲仙
春醪還一醉
松下好高眠

大家有白皮松

闕鳴珂

颿影催詩圖 并序

庚寅春慎甫丈延余課其長子蕉庵於帆影樓治

竹林八圩志

卷十一 詩徵外編

九

經之暇蕉庵乞即景繪圖以資吟興率爾點筆頗
未愜心今歲復館斯樓追憶舊事為寫是卷以誌
今昔之感且以見詩畫之俱無止境爾道光壬寅
秋七月

漢塘一帶水汨汨東西流
中有波穩處

樓下額用石田翁我欲結亭波穩處

夜深無月上時三間樓斯樓面水開來往多輕舟帆影度

窗几詩境清以幽唐生素風雅於此聯吟倚緬昔首初聚

意氣爾我投奇文共欣賞疑義頻咨諏有時或拈韻對景

同唱酬評花更品月鷓蟀曾兩周歡晤猶未暢倏焉動離

愁一別十二載今復來此游唐生情款款下榻相扳留登

樓恣幽討新稿盈案頭讀之頗蕭爽滿座風颼颼如坐三

島顛豪氣凌蒼洲如破萬里浪一縱不可收意到筆能赴
學深才更優努力追古哲豈復尋常伴感此清興發急把
畫理搜抽毫寫長卷相與娛詩眸脩然塵網外想見清福
修嗟彼掛帆客逐逐將何求名利祇兩途過眼同浮漚遠
到在不朽願生爭千秋

黃安濤

蕉庵屬題帆影樓圖

天目東流漢塘水切雲塘上高樓起樓前多少往來船帆
影全收碧窗裏危檣大舸百幅張亦有葉葉漁家航遠浦
微茫交雜樹平沙明滅曳斜陽臨流誰唱公無度沙水多
憂復多懼舟中人指樓中人羨然置身波穩處三字樓何

竹林八圩志

卷十一 詩徵外編

十

時來作新坊游豁然坐我樓上頭一帆過去一帆續歷歷
嘗筵記酒籌

陶瑄

唐蕉庵颿影催詩圖

鴛湖之南鷓湖北烟樹平林景清逸蕉庵主人築小樓蒼
茫野色侵雙眸終朝不厭樓中住時一憑闌覓奇句詩心
直共帆影飛塵慮先隨流水去玲瓏窗牖臨鳥巢風來瑟
瑟聞松濤高吟偶倦繩床卧夢與飛鳥同翔翔碧雲館主
榻雙管補出斯圖意蕭散畫法依稀師五峰翠活朱輕趣
無限披圖細玩引我思拈毫聊為題新詩何當挈伴鼓蘭
棹携酒登樓發長嘯

孫融

題蕉庵四兄帆影催詩圖卷

伊人高築枕溪樓渺渺烟波望裏收十幅蒲帆九曲水詩情都付夕陽舟

雨後波平一鏡磨隄邊小艇疾于梭晚湖儘有漁家遂來和先生銅斗歌

徐達源

乙巳冬日為蕉庵詞兄題帆影樓畫卷

平林面水起層樓師弟頻年足唱酬人影已隨帆影散能敦古誼自千秋蕉庵游織亭孝廉門後事宜頗竭山蕉庵與雲史司馬經理身後事宜頗竭山蕉庵衰病餘生已廢吟臨淵猶有羨魚心明春腰脚如能健定

竹林八圩志

卷十一 詩徵外編

十一

向烟波穩處尋

李福基

題蕉庵四叔帆影樓圖

高樓百尺枕溪隈幅幅輕蒲鏡裏開怪底疎簾遮不住片雲紅挾夕陽來

十載征帆恣浪游依人王粲強登樓何時得遂乘風願品月評花共一邱

卜蓀鈞

題蕉庵弟帆影催詩圖

小築臨清流一水漾澄碧穩處無波濤幽棲笑泛宅層樓枕湖濬雲物極清豁烟樹媚芳塘空翠落硯席鐘聲聽漸

遙帆影紛如織中有素心人俯仰樂晨夕憑欄恣清吟埽
徑佇嘉容境曠神彌怡心閒體自適嗟予疲津梁長年事
行役揚舲溯空江停舟每孤驛明當為蜀游川流苦奔激
豈不畏別離簡書期孔迫長亭一揮手聚散感萍迹他年
挂歸帆勞君遲天末

許乃裕

唐蕉庵帆影樓圖卷

清溪風日佳芳草綠未已高人此編茅周堂盡秋水
栽栽百尺樓雲樹互連迤漢塘復魏塘東西幾卅里帆影日往
來詩情渺容與光景爪痕留盧鴻懷舊侶

長水得平地東西南北流大塊一遽廬萍梗隨浮漚先生

竹林八圩志

卷十一 詩徵外編

十二

曠達者興到恣澄遊性定趣自逸境僻情彌幽悠然息塵
鞅延伫時登樓披圖契芳躅天際翔歸舟